

步出

○ 〇 巖 樂 華 谷

嚴 榮 坦 叔

○ 〇 玉 溪 雪 夜

雪 霽 天 夜 白 月 上 江 空 明 飲 散 客 就 船 萬 籟 沉 三 更
誰 家 竹 籬 岸 摸 索 疎 枝 橫 不 著 色 与 香 令 我 毛 骨 清
醉 魂 乘 沆 瀣 看 舞 婆 羅 城

○ 〇 獨 往

一 逕 歷 紆 餘 獨 往 未 到 處 豈 曰 巖 泉 幽 心 閑 即 真 趣
蕭 蕭 松 有 聲 依 花 自 開 樵 翁 向 我 笑 問 我 何 從 來
○ 〇 昭 君 怨

欲洗鉛華淨那須畫手工玉顏翻自誤不似旧图中

○○送黃炳

未盡連床話忽々又語離襟期無限事書寄君為辭
昔別已十載重逢还几時孤舟明夜月何處照相思

○○望彭蠡

萬壑氣交會今知楚澤雄水明絕辨樹霧合忽迷空
遠浦沉初月孤舟亂去鴻闌干已愁思漁唱入蘋風

○○春晚

向來得意在煙霞失脚黃塵負歲華過却海棠渾不
肯夢中犹自詠梅花

○○秋入

秋入蘋風白浪生癡雲未放楚天晴青山湖外知何
處中有斜陽一段明

○○陽關圖

人人腸斷渭城歌誰獨持竿面碧波可是無情如木
石祇應此地別離多

○○月夜与張輯論詩

涼露初長夜織雲淨盡時几人還对月与客共論詩
苦思常難穩閑題或更竒不應誇末俗準擬古人知

○○自樂平閱視渡舟取道太陽渡宿地藏院

下傲此

康山問民涉陽渡平地訟竭來招提宿疏峯結飛棟
研丹啓囊書点勘自成諷佛香觸深悟僧若來清供

陽顏嵐氣生鴻沒天宇空向來山中樂忽、豈其夢

○ ○ 盤谷圖

声利爭馳豪未問凡人能得健時閑不須展畫相撩

弄昨夜秋風憶故山

見梅

絕憐生意上寒枝几度巡簷錯恨遲数点疎花人未

見意間早被月明知

春歸

抵死連宵雨不休今朝晴景莫登樓杜鵑啼得春歸

了風裏楊花点、愁

薦福寺

即戴叔倫故宅
今号戴公堤

石徑秋痕苔蘚深誰將清氣潤脩林戴公堤上古時

月几度凉宵照苦吟

招提遊

幽尋愜所適蘭若白石静天籟鳴松壑古意滿苔徑

清泉醒客心啼鳥喚僧定留連不能去翫月歸路永

○

煩惱忽如遺僧境得清勝花發岩洞幽雲生牕戶冷

來驂樹陰直歸棹川光暝遺思山蒼、半空聞夕磬
拾橡亭為黃炳賦

世上危機富貴身由來着意思鬼神嗔到頭鐘鼎誰消
得正要山中拾橡人

林和靖祠

白雲人已矣古屋自蒼苔林下誤疑窟水邊空見梅
市人携酒至歌女棹船回檢点幽棲處湖光似向來
元上人見訪

昔子青、佩重逢怪袖衣樊籠留不住雲水靜相依
習氣餘詩句枯禪墮佛机東湖自塵外还帶夕陽歸

憶張輯

畏景如焚客路塵寂寥山店獨吟身多情唯有別時
月低傍茅簷巧趁人

宿石潭寺寄黃炳

昨夜湖心共泊船一天星露宿寒煙朝來極目魚洲
渚知採蘋花何處邊

畫梅蘭竹石

正憶吟窻占竹坡風煙觸眼奈愁何梅蘭只作從前
瘦石上蒼苔別後多

春恨

馬上東風吹酒醒空將春恨到江亭
兔香寂寞無尋處煙映晚山深淺青

廬陵黃炳築亭所居侯山扁以赤松子自號
赤松亭長之官鄂渚為賦詩

僊人遺世不曾愁但欲相期汗漫遊
亭長祇今閑未得南樓孤嘯望神州

霧中早行

行人模糊畫中影高樹天矯空際雲
樓臺几處半隱見三島夢斷枕紛纒

秋思

風落葉間殘点雨月窺牕下不眠人
秋清一片無誰領併作詩愁入鬢新

松雪

陰崖未知晴松雪自在白何恨晚風顛
飛寒亂苔石

次韻宴坐畫圖

京塵倦來歸故山喜還壁淡交松桂在
昔別猿窟憶晚知閑味深甘為出討惑尚
念身在山佳處恐未識看山須全境一覽
目力伊誰有巨神亭一掛空碧吾聞古
灵匠能事路翰墨盤礴演津初大素含
黼飾妙手幹亥微鍊此石五色天机一
呈露真宰惜不得

寫出万古愁蒼茫思何極煙村帶遠市雲樹出峭壁
有人閑倚欄飛鳥亦自適俗間重小景句促無奇特
五日十日畫大類宋楮刻誰會悠然心醉來眠對客
酴醾

東風暖送龍蛇起麗日晴烘玉雪香可惜開時春向
晚不教桃李見清芳

客裏

客裏何如度歲華春風香却一番花山行轉處聞鷄
犬楊柳陰、賣酒家

紀夢

煙島空濛一宿飛天風滿袖自吟詩覺來猶似非人
世花影欄干月上時

送張輯遊宣城

君托淵明底樣琴肯於絃上生要知音相逢塵事不掛
口別去清愁摠上心聽雨夜牀孤旧約看雲秋壑想
幽尋他年跨霍相過否應笑浮名雪滿簪

道中見茶花

朝來露濕欲寒天誰賞幽芳古道邊風味十分留
煇焙浮花正自不須妍

巧夕添丁

書來知有喜客夢應維熊久作庭闈別遙知笑語同
充問非我願釣瀨是家風莫孝天孫巧如愚肖乃翁

琵琶洲

琵琶古怨猶淒清何年一抹橫煙汀人言隨波高下
如浮萍神鰲背負能亭：不知水仙宮殿碧皎潔玉
絃遙映雲錦屏胡沙万里音塵絕獨與鸚鵡愁青冥
天際歸舟認髣髴江頭寒月傷伶仃悄然夜久天籟
起往：恍惚遊百灵秋風嫋：兮水冷々俗耳箏笛
兮誰能聽我眼如耳：如鼻妙處不言心獨醒釣天
住奏三十齡石鐘水樂遺林垌豈有宝器終飄零一

朝誅蕩開天高帝命下取呵六丁陶梭共起變化隨
雷霆古餘山色空青：

池陽道中

脫葉舞風過別岸濕雲含雨上晴天脩途喜借晚涼
得出鳥一声生翠煙

挽陳邵武

前輩聞如此今人見未多難將通介論不在語言科
曾監開華近樵川惜抚摩鄉評最期望一夢只南柯
夜投荒店戲成

喚起吹松火開門問帶嗔隨行曾有米同伴几何人

乱穉鋪添薦殘籬拾作薪夜寒誰得酒煩扣隔山鄰
○ 被檄樂平至鳴溪渡有山与南豐軍山同名
○ 者余昔從嶺庵謝先生夢得遊先生于湖畏
○ 友也豪於詩悅軍山之峭拔暢其吟懷自昭
○ 武從家于市山築室白西牕以朝夕对烏嘗
命余記之余時從西牕樽酒論文為樂如是
者十載今先生已矣感而賦詩

江西絕頂插晴空此地山名偶自同喚起西窓十年
夢一樽何處酌詩翁

重到地藏院

泥濘行良苦青山且眼前題詩如昨日倒指已三年
僧榻寒宵雨漁村落照煙薄遊聊復尔終擬老林泉

寄張輯

不見吾張輯新詩何處吟身留江介遠秋入夜涼深
燈影還家夢菘声倦客心歸來及嘉節細把菊花斟

建德縣梅山寺

公退逢長日清遊到宝坊山圍露天小徑遠引溪長
苔壁晴雲濕松軒暑月涼鐘声半歸路回首暮蒼々

切第後日者自謂奇中索詩

兕時意氣謾騎鯨儿向攔干袖手凭今日逢君成一

笑却慙窓下讀書燈

風雨宿湖心

渺、平湖四接天孤洲曾繫夜來船持鞭又逐風塵
去却憶秋蓬聽雨眠

新晴

滑路愁騎馬晴天好放船水紋搖倒壁花影弄晴川
夢寐驅馳在光陰少壯迂心期猶浩蕩搔首白鷗前
舟中夜雪、

落帆侵夜色客思正悽、風撼瀟相覆雲連宇宙低
灑蓬吹乍急歌枕聽還迷懶墮無清興誰人訪剡溪

七夕

纖巧逐時新誰將大雅陳天孫古机錦笑殺世間人
送戴式之

自小尋詩出江湖今白頭應嫌少陵讀不似子長遊
風雨夜愁枕鶯花春醉樓吟邊消息好懷古問沙鷗
茅舍

村居遠城市獨木渡塘坳迸笋補籬竹落松添屋茅
童歸携酒榼客至得鹽包隨分山中好低簷燕有巢
憇田家

晝問田家憇相呼隔短籬負薪髻引犢挑菜甃携兒

沙井和鰕汲村春夾稻炊老翁評貴糴覩縷日時年
過江東

落花時節過江東濃綠山頭間小紅野店日長春寂
柳陰搖颺酒旗風

騎牛圖

乃翁騎牛驢馱兒松間提挈群僮隨驢逢短橋兒回
顧牛背推敲了不知

戲友人

今朝有清興無處覓詩人寺占房空鎖窓窺榻有塵
尋芳知尚早報謁未應頻只在城中醉煙雲滿澹津

孤鴈

一鴈度岑寂流空音響哀雲沙天地闊霜雪羽毛摧
力小知机早心危見影猜蘆洲迷處所飛遠正徘徊
蒙齋先生賦張通守佚老堂次韻

拂衣歸共白雲閑佚老堂中天地寬黃髮可教供鞍
掌青山聊足對高寒杖藜行樂春風軟紙帳佳眠曉
日團林下未應忘世事併煩寄語謝家安

菊

寒林色枯槁粲離菊鮮冷艷無俗韻孤芳弄秋妍
金晶與高潔未覺陽和偏豈無兒女花誰能制頽年

歐陽道士歸自臨安

洞穴雲生牕戶涼道人宴坐但焚香
向來遊遍王侯第還似山林意味長

張輯馮去非話別

此夕真成別幽懷欲語誰梅花霜月曉
獨起詠君詩

夜讀晉書

南來未省有良圖可更清談傲五胡
抚卷興懷千載事一聽風露夜檠孤

午憇僧房

黃塵吹不到禪房牕紙風翻葉涼觸
熱行來亭畫

夢孤篷聽雨下瀟湘

憶山中

山中桂香滿無復向來遊官事何時了
一年孤負秋

即事

僧屋歲深鳴漁舟帶遠汀誰教双白鳥
來点暮山青

野興

身閑歸未得野興日翛然抱犢無來吏
尋詩即散仙
孟明松鏹月墜引石根泉有客知余意
清風三两絃

重九後五日遊齊山

官癡縛吏酒節物如相負茲遊未覺晚
黃花落吾手

沒鷗江自迥脫葉山新瘦淒涼千載心西風一搔首
相中

千古懷沙恨淒涼何處論坐看宗國事安用一身存
落葉西風岸孤舟半夜猿年一江月白為照獨醒魂

寓京城和曾左曹韻

日々思君、不知京塵染盡帶來衣落客心正自傷飄
泊更看湖邊花片飛

車馬聲中又日斜可堪芳草思天涯來時憶別山中
桂冷見長安梔子花

閑居

盡日門前草青、不染塵生書方破卷出鳥忽啼春
失意成高興多問信懶身不須憂世事廊廟有經綸
觀北來倡優

見說中原極可哀更無飛鳥下蒿萊吾儂尚笑倡優
拙欲喚新翻歌舞來

李賈携詩卷見訪賈与嚴滄浪遊

石屏新卷裏曾得見君詩大冊煩來教平生慰夢思
高標去塵遠古調少人知汝与吾宗好風騷更属誰

新竹

樹頭不動天無風六月还當日正中唯有滿林新長

竹別生涼意襲簾櫳

月

只道今宵月出遲
雲間不覺上多時
夜深花影如清
晝何處山頭一笛吹

二水聞角

少日鄉閭不解愁
閑聽昏角起譙樓
西風依旧闌干
月獨自瀟湘万里秋
軍行、

野人自說老為農
回識戎裝紙畫中
近日軍行渾見
慣兒童嬉戲弄刀弓

子陵灘

西風吹雨暮江寒
想見當年獨把竿
不是君王思故
日何人知有子陵灘
一榻從容話歲寒
相忘共作布衣看
雲臺諸子成何
事
千古清風一釣竿

汎湖

四邊天共水漫漫
身在鴻濛縹緲間
忽見浮空清一
抹舟中人說是湖山

慈湖墨竹

先生万慮尽空時
元氣渾淪可得窺
還有發生消息

在揮毫煙雨一枝

戲筆偶然成此耳直將造化論
錨銖不知茂叔庭前
草有此風煙一夜無

未開梅

老樹天机早潛回一點春寒稍方
蓓蕾瘦影已精神
冷淡看前輩芳菲摠後塵更須香共色未是藍花人

客裏

客裏還來此寒燈耿獨吟一官江國夢十載草堂心
木落秋聲小蒼孤夜思深驅馳空自許再：鬢霜侵

戲詩友談仙

君期汗漫遊不敢問所適贈別亦何有當辨鶴一隻
還疑是凡羽不任載仙質乘煙寧假此聊以壯行色
淹留非幸俗應未得良日空令施肩吾久待問詩律

秋懷

秋懷不到夢歷：數寒更坐得楚天白吟教湘水清
殘燈搖壁影片葉墜階聲起看孤城霧人間事又生

初注清湘令寄馮深居

去非

深居定何處無便寄聲頻舊別芝山月相思楚水春
白雲生夢遠華髮折腰新料得今書到看題笑故人

上饒界首傷曾殊

故人曾此賦梅詩人共梅花一夢非欲喚青山話前
事西風吹淚濕征衣

秋風

門与姑山对溪边有故廬別來三徑菊開却一樓書
水碓長腰米村船巨口魚秋風歸去好留滯意何如

戲友人

怪得詩情減一分知君為李有新聞塵中畢竟閑人
少獨自開樽对白雲

早行

修程避晝炎中夜征夫起蟲声荒郊迫犬吠衙門閉
行、月色淡微霞露天際永懷高卧人迷夢繞蒼翠

西湖

何處春晴好西湖元已朝馬嘶堤上路船過柳陰橋
敲竹雀声起弄泉花影搖坐着遊客畫煙水思迢

閏九

前月登高去犹嫌菊未黃秋風不相負特地再重陽

顏范祠堂

顏范新祠番水陽邦人來此識網常海波瀕洞孤峯
峭天宇清明一鳳翔英蹟重尋餘古帖高情犹想賦
秋香姦諛骨朽今安在三嘆前賢死不忙

張德慶挽詩

擢第家聲在通班
宦路亨為親
遲受邑未老
謝專城
活計詩書富
歲寒梅竹清
閑中將道眼
醉夢笑功名
九疔疔犹身健
聯麾見子榮
笏床歡節序
鳩杖話平生
世久傷零落
吾犹及老成
酸風吹若淚
一為典刑傾

調古

調古人能聽
眉長世共妍
家山夕陽外
心事落鷗邊
弟妹知何在
風塵祇自怜
孤燈照危坐
不是少林禪
道傍木犀

路人攀折半成荒
何似山中自在芳
可耐西風相料
理為誰消得許清香

示園丁

種竹宜疎
延夜月澆花須早起
晨陰溪邊釣石勤時
掃恐有詩人來醉吟

舟中夜酌別鄧均

共對船頭月
通宵語未終
鄉關几歲別
筆墨小時同
江影高低樹
秋声斷續鴻
相逢彈草
明日又西東

發清湘

歸棹將秋色
三湘是勝遊
灣回仍小嶼
灘過盡平流
臨水聞僧磬
隈岩隱釣舟
江頭每佳處
沽酒小夷犹

花樹移方活，丁寧莫損殘。待逢春氣暖，開與後人看。
酒任隨車載，詩從就柱刊。料應吟賞處，說著種時難。
我樹未花開，其如行色催。送憐今歲雪，誰看一庭梅。
餘俸刊詩卷，歸程賣酒盃。輕舟下灘穩，鷗鷺。

繫舟

古岸人家少，蒼茫此繫舟。閨中今夜月，江上晚風秋。
一水縈寒夢，雙鴻亂遠愁。湘源知不惡，吾意肯淹留。
夜行舟
忽報風波息，稍人倚柁看。開船星斗轉，吹笛水雲寒。
犬吠知村近，烏啼覺夜闌。兒童將白石，敲火趁晨餐。

道中

客思曉寒凝，初陽樹外昇。氣蒸茅屋雪，聲裂野池冰。
倦路行偏遠，思山隱未能。僕夫愁過嶺，遙指最高層。

冬日同趙子孫閑過雷園

地出元在郭，景好即為春。相約同來者，能閑有几人。
風池行墜葉，晴隙走游塵。共尔煙霞契，交情淡更親。

寄鄧均

題書對殘燭，几日到江濱。故里經年別，清秋此夜分。
映雨風細漫，移雲數鴈聲。初過知。

任机宜新圃

自從孤棹背鄉關，幾度麻姑夢裡山。此地不知何洞府，石間松蔭水潺湲。

夜發湘城

西風吹客衣，一舸載書歸。肯為身謀便，而令心事違。鵝聲江月碎，人影水煙微。漸覺寒城遠，沉沈擊柝稀。

雪梅

報道梅邊雪未休，披衣晨起上簾鉤。孤根清健元如許，空為花寒一夜愁。

定王臺觀雪

清晨吟思獨憑欄，十二樓中白玉寒。此地古來風雪

裏，有人惆悵望長安。

客、客、客、竹傲睨若無人，風神、岩谷

主人延客，山中酒新熟，飲酣出素書，篆不可讀。欲問度世訣，長嘯振林木，軒然別我去，奉頌但黃鵠。

樂齋

顏巷當年事，同門自少知。誰言公子貴，心與古人期。望柳尋花意，吟風弄月時。人琴無處問，空想考亭詩。

琴

孤松風下絃秋清，湘江湛、湘山青。一声吹入天冥冥，何處白鶴飛來聽。

菊

秋籬霜露寒獨立尔良難不作過時恨從教耐久看
風流沾臘葉臭味憶騷蘭孤淡逢心賞幽香故未闌

大虎頭灘

聞說前灘大虎頭行人愁絕欲回舟世間多有虛名
誤不見錢塘海逆流

通由鷹

南來知

到青湘

客裏今年月相逢九處圓行窅湘水際愁到楚雲邊
屋內燈明路棧間瓦見天州城何處是遙指隔山煙

旋摘盆柑

金丸手自摘色味香三絕從來天者全風韻迥然別

參蒙齋先生

阿巷顏然號庶几更無言說最精微何人參了缺